

իր այդ անվրդով փիլիսոփայութեանը, որ մտել թափանցել է մինչեւ ժողովրդի հոգու խորքը: Եւ ի՛նչ հրաշքով նրա փափուկ, քնքուշ ու կանացի սիրտը ձուլւել է այդ վսեմ արիութեան ու դիմացկունութեան հետ, որ ոչ մի անջրպետի առաջ կանգ առնել չը գիտէ, չի սիրում կէս ճանապարհները ու գնում է առաջ արագ եւ վստահ, ճակատագրական անողորմութեամբ:

Քամին բուռն ոյժով խփեց դէմքիս, ու ես սթափւեցի: Խոր մութն էր արդէն ծովի վրա:

Շուռ եկայ ու ուղղւեցի դէպի խցիկս:

–Սայնարա՛, ձապոն: